

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...**

**Fronsberger, Leonhardt**

**[Franckfurt am Main], 1558**

**VD16 F 3129**

Desz Obersten Feld Profoszen Ampt/ Beuelch vnnd Eyd.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)



Des Obersten Feld Profosen Ampt/  
Beuelch vnnnd End.



Ein Ampt ist / das er im Zug vnd sunst sich fast vmb vnd bey dem General Obersten halt / damit was sich zutregt / ihne der Oberst bey der hand haben mög / Dann so befiehlt der Oberst / so ettwan etlich vnserbarlich vbel theten / oder sich andere straffbare sachen zutrügen / dem Profosen gegen den vberträttern zühandlen / der lügt dann mit hülff des Obersten vnnnd seiner Trabanten / das dieselbigen vbelthäter dem Profosen vnder welchs Regiment er gehört / vberantwort werde / dem sagt dan der Profos / was er rechtlich oder sonst auß beuelch des Obersten gegen dem vbelthäter handlen vnnnd vollrecken soll.

So auch die andern Profosen vnder den Regimenten ettwas fehl oder mangel haben / so das Regiment oder ander irs Ampts sachen betreffen / bringen sie durch den Obersten Profosen an den Obersten.

Man pflegt gewonlich alte erfarnne / dapffere / wolbekandte vnd wolbedredte Knecht zu diesem Ampt züerwölen / die lang vnder den Knechten gelegen / vil erfaren / vnd vil ämpter getragen haben / damit der General Oberst

B ettwan



## Von aller hand kriegsprüfung vnd gebrauch/

etwan vnderweilen auch von jme bericht empfangen möge/inn irigen sachen/ oder die die ämpter antreffen/ Es begibt sich auch oft/dz der Oberst Profos an statt vnd namen des General Obersten/mit dem ganzen hellen hauffen zühandlen hat/darumb ist von nöten/das er bey dem Kriegsvolck ein güten gunst habe/wolbekannt vnd beredt sey.

Wa nun ein Regiment Fußvolck/vnnd nur ein Oberster ist/so bedarff man auch nit mehr dann eins Profosen.

Des Obersten Feldprofosen Eyd mag nit specificiert werden/dann er wirt jme auff die sondern fürwort vnd Artickel/darauff er bestelle vnd angenommen wirt/gesetzt vnd geben.

## Des Herolds Beuelch/Ampt vnd Eyd.



**W**as vnnd wie ein Heroldt ist oder sein soll/ist daher zümelden on not/es ist aber im Heerzug fürnemlich sein Ampt/das er statts bey dem General Obersten sey/damitt er jhme/so oft sichs zutregt/beuelch geben möge/vnd ist dz fürnemlich sein beuelch/so man etwas öffentlich im ganzen Feldlager verkünden/anzeygen/gebieten oder verbieten wil/das sol durch den Herold geschehen.

Der